




草堂雅集卷之二

玉山顧



黃潛

字晉卿婺之金華人延祐甲寅張起岩榜中第至侍講學  
士與虞馬齊名寓吳開元寺綠陰堂時予始獲見遂得其  
詩集云

發大都

辭親獨行邁遙二抵京國胡為突不黔驅馬更遠適至尊有時

巡樹羽殷阡陌宿衛必近臣  
顧問須耆德陋臣亦何知  
冗從同執戟草深原野青  
雨暗關塞黑慕慕盛年意  
眷遊子色一身萬人中敢不  
思努力

劉蕡祠堂

劉君古遺直祠堂在丘園  
嗟此豪俠窟文雄欲孤騫  
平生二三策匪激明主恩  
瑣瑣談失得無乃市井言  
憑高一長望苦厭車馬喧  
微風過踈雨青山滿前軒

陰晴歛異態浮雲實無根  
悠々千載心去々勿復論

連山東北趨中斷忽如鑿  
萬古爭一門天險不可薄  
聖人大無外善閑非錠鑰  
車行已方軌關吏徒擊柝  
居民動城市廬井互聯絡  
幽龕白雲聚石鐙青泉落  
地雖臨要衝俗乃近淳朴  
政須記桃源不必銘劍閣  
僕夫蹠謂我無為久淹泊  
山川豈不好但恐風雨惡

榆林

崇道商土云是古長城  
却尋長城窟飲馬水不腥  
斯人亦何幸生時屬林明  
向來邊陲他今見風塵清  
禾黍被行路牛羊散

郊垞儒臣忝載筆帝力猗那名

槍竿嶺

憶昔賜第歸吾母適初度蹉跎歲月晚今辰乃中路居人誇具  
慶游子慚叱馭茲山稱最高揚鞭入烟霧直多峭峯蒙饒  
雜樹崎嶇共攀援躑躅頻返顧陳情未成表登高詎能賦獨憐  
桑乾水還向盧溝去

李谷老

緣崖一徑微入谷雙崦窄密林日易曛况乃雲雨積行人望烟

火客舍依山色家僮為張燈野老煩避席未覺風倍殊祇驚関  
河隔嚴程可緩子規勿勸客

赤城

鷄鳴秣吾馬曉飯山中行何以慰旅懷赤城有嘉名灘長石齒  
齒樹細風冷時見石壁間絜若丹砂明温泉發其陽撫呵効  
百靈前峯指金閣真境標珠庭白道人跡踈青厓雲氣生信美  
無少留緬焉起深情

龍門



竦身望龍門緩轡行兀々溪迴愁屢度雨橫驚暴溢兩厓儼相  
向百水怒爭出人言馬上即快意美多失自非渥注種不得矜  
捷疾飄々蛾虱臣凜々鼉鼉窟

皇靈重覆冒利涉用終吉迴睨向所經十障隱朝日青林外盤  
紆黃流中蕩滴後來未渠央君子宜戰慄

濁石

解鞍及亭午稍欣烟霧收蒼然衆山出歷々知雕鏤前瞻一石  
獨靈官居上頭頗閒去年夏水激龍騰湫走避登屋山夜半齊

呀咻幸茲溪澗中今作清淺流宴安不可懷變化誠難求翠華  
渺在望行矣毋淹留

檐子窪

自從始出關數日走崖谷迢々度偏嶺險盡得平陸坡陀苗上  
山高下紛起伏連天暗豐州不復見林木行人烟際來牛羊兩  
中牧颯然衣裳單只尺異寒懊立方有懷相逢仍問俗畏途宜  
疾驅更旁涑河宿

李陵臺

日暮官道邊土谷容小憇漢將安在哉荒臺猶彷彿低回為之  
久懷古增歎歎長風吹曠野飛雨千里至蕭條蒼山根州木餘  
爽氣常怜司馬公予奪多深意奏對實至誠論錄存大義史臣  
司述作遺則敢失墜

上都分院

晨興過桓州旭日生蒼涼舉頭見觚稜金碧何巍煌洪河貫其  
前青山環四傍暮投玉堂署鰲峯屹中央升階旅群彥官燭分  
餘光琴冊森在側談笑來清觴列坐無所為陳詩詠黃唐帝鄉

豈不樂父母遠莫將起視雲漢低垂星爛寒芒南飛有冥鴻邈  
哉天際翔

右紀行詩十二首虞伯生題云少陵入蜀路崎嶇故有淒涼  
五字詩應奉為官隨翠輦固應同調不同辭

雜詩五首

日月東西行群動亦不息寄身萬物中寧獨謝茲役所以魯中  
叟違：走南北聖哲諒已然旅人能久息

晨起步南園旭日朗以清葵花衆艸中曄：敷丹榮流光非汝

私獨尔心自傾覽物有深懷佇立方含情  
璞玉與寶劍淪落初未偶君看被湔被各在千年後將身比金  
石誰當獨長久悠：百代下相知復何有  
孤雲淡無心出山偶為雨長風忽吹散渺：歸無處唯餘向來  
山突兀青如故慷哉魯仲連功成身已去  
春風着萬物欣：皆自私可憐兒女花榮悴更相持獨有澗底  
松偃蹇如不知何疑楊執戟草玄鬢若絲

效古五首

上山見明月下山月相隨月起知愛我：行自見之故山日已  
遠故人不可思殷勤謝明月願爾無盈虧

女美衆所悅士窮衆所輕：重安足言泥盡水自清淮陰初寄  
食曲腰膝下行季子黃金多妻嫂來相迎自古已復然嘆息無  
吞聲

擊石乃有火石火光不揚攀天亦有路天高路何長嗟哉萬古  
雲下覆歌哭揚富貴誠足多貧賤不可忘

落花隨風吹各自東西飛花飛既不息水流復無極同生不同



歸能勿異顏色木生則有枝豹死則有皮悠々岐路間多言亦  
奚為

飲酒莫盡醉盡醉無餘顏讀書莫吊古吊古多悲酸蕭艾蔽中  
野白露推芳蘭鳳飢不得死鷓鴣食琅玕去々復去々采芝青  
雲端

古詩三首

皎々綠窓女明晨弄鳴箏終朝不成曲宛轉何為情揚々青蘭  
花流芳燿初榮可傷無人采但恐秋風生

南門臨廣路南北何多岐躑躅顧所從吾今信安之故山豈不  
佳亦有平生期且復回吾車勿受塵世欺

清晨掩書坐忽々有所思所思非親故千載多異時南山何蒼  
蒼上有青桂枝吾將折其榮歲晚庶自怡

古意

荆人初得玉趺足辭岩阿持獻萬乘君二門正差我誰其尸國  
工謬以石見呵迷邦誠不恐欺君反同科臣口不自明臣心終  
靡它抱璞重再拜呼天淚滂沱淚盡血可繒玉在良已多是事



古則然烏乎今柰何

人事如艸木

人事如艸木一氣榮悴之外物何預人而冥喜與悲堂：異姓  
王昔者膝下兒窮通本解后達者固不疑阮生亦隘人慟哭真  
奚為

煌：明月珠

煌：明月珠未害居濁水君看黃河黃豈解污清濟我方遺吾  
形寵辱齊一指縣知破琴戴未若摻搨祿

浮雲蔽白日

浮雲蔽白日羣動何喧：烏乎麒麟兒化為猴與猿登高望四  
荒但見黃河奔誰執沂其流與我歸昆侖萋蕤青林花霜霰日  
已頃嘆息復奚道山中桃可攀

雜興三首

運化奄遷變舉倍喪其真曉：今毗子詭詩稱逸民偶然隨紛  
華目謂許與莘虫：良可矜中田豎羽荆榛淳風去無還迷途同  
所遵首陽

白日出扶桑天雞忽先鳴飛奔名自逞瓜牙正從橫賢哉五柳翁偃卧寧不驚生死莫我累豈復外慕嬰經營彼奚為欲與元氣爭終歲卒自苦嗟我獨何成

渾淪本無象質散風乃漓後王初尚賢佞忠遂分馳陳蕃偶高義鳳舞鸞更隨彼哉聚蚊蠅何毓滋至今黨錮傳讀之令人悲

魯、吾何思、被巢居時

連雨雜書五首

蕭、十日雨出門竟何之不愁道路難所惧沾我衣悠、看屋

梁作計亦已痴有酒不解飲且遂歌吾詩

昔慕粟里翁頗復志耕耘偶入汗墨場把筆學為文偃蹇獨何來喧啾復泫、念彼何策子窮年愧其勤

虛堂坐無言繾綣悲宿昔常時眼中人已如不相識剝啄者誰子念我喜折屐忽去已迫暮一笑岸玄纈

我思仇山人山川莽回互十書九不到木葉歲頻暮頗聞近移居併失夢中路得無挈妻兒例載入山去

今日曷不落孤偶無與酌兀坐把書卷展玩不自休借問誰可

為其人已千秋山兩政不聽撥書置床頭

述懷

瑞居多感求志無餘營夙違金門路緬愛丹丘名謬忝君子  
顧搵身廁群英卑栖念遠引窘步速先征俛默敦宿尚低回阻  
平生伏枕勸中夜攬衣寄遐情上天廓澄穆列宿揚光晶俯視  
林木改仰悲鴻雁鳴跂余秉微素十年守柴荆希世乖近務慕  
隱餘衷誠願言良時晚庶保幽人貞

題仕上人松風樓

長松四簷間落：無與伍天清咲歌發肯作兒女語道人有真  
聽無諦亦無祖尚不知有耳况覓声處所起視南山高明月在  
庭戶應念朝市人聞鷄走風雨

題晋卞將軍墓

江左失其御強臣布中區歡娛一以乖狂獠無趨趨黃屋播艸  
野彫庭交劍及事樞始誰秉捧首如奔狐偉茲百世士死與二  
子俱孤忠耿未昧足以孚豚魚義旗果東指白日開天衢孰最  
撥亂功之人或其徒伊昔大雅廢語言鄙文儒禾黍已橫委衣



冠尚舒徐屹然見砥柱獨障狂瀾趨大節固如此捐金乃其餘  
青簡煥遺烈蒼榛闕幽墟日夕悲吹多天高年運徂世方用翫  
散猶將愧玄唐江濤渺在望雪涕空漣如

同王待制校文上京八月十五日宿龍門驛

涼風墮黃榆萬馬皆南馳而我方北首度關及鳴鷄石路幽更  
阻僕夫慘不怡徐驅待明發決濟窮烟霏貂裘者誰子恠我逢  
掖衣為言霜露多皇二獨安之我非不自憂蘭書今有期憶昔  
州縣間折腰向小兒荏苒二十年初登幾同袍如燕鴻去

住常相違悠然慨平生與世何忝差暝投龍門驛高館臨迴溪  
青崖拱白月水木含餘暉秋色故蕭洒我行殊未遲相從况魁  
彥迥若珊瑚枝衰暮奚足云一觴聊共持

雨中次范德机見寄雜興

窮巷積陰雨離居寡悰情安得盪埃風逍遙予上征長日有逝  
川春花無晚榮永懷山澤居好遯潛英声於陵方灌園龐公不  
入城君意豈忘世詠歌以濯清今我夢江國嗷々鶉鳩鳴不憂  
芳艸歇但恐白髮生歸休企前哲矢言著真誠悠々莫識察思

子推乃手行

送李唐卿御史

去：紅塵外秋光滿華嵩故鄉歸衣錦行路避乘驄未覺長安  
遠真成冀北空燕山一枝桂回首正西風

風雨

風雨急如此空山方晝眠故應為計拙可復要人怜燈火羗村  
塢桑麻杜曲田悠々今視昔把卷一茫然

五月二十日

不擬夫容佩終然挂寂寥百年多事始千里一身遙巢燕驚華  
屋鞬鷹望赤霄蒼々叢桂樹愁絕小山招

聞方壽甫卧病

吾子仍多病何人共解顏水聲和藥臼春色閉松關積雨連三  
月懷人劇萬山同遊况零落浩蕩豈追攀

憑軒

信有儒冠誤馮軒意欲迷山深風雨急天濶羽毛低他日開炎  
瘴連城送鼓鞳荷芟吾媿尔未敢嘆塗泥

明月樓

遺堞何年有飛甍壓上頭  
鼓鼙分大幙香火望靈湫  
曲岸舟如失遙沙樹欲浮  
登臨且吾土未敢恨淹留

含香道中

殘日亭猶遠輕風帽易斜  
稻畦低沒鶴州逕曲行蛇  
經世知無策謀生會有涯  
殷勤理黃菊留眼待秋花

九日登石頭城

背郭囂塵遠高秋川岳清  
幽情初曠蕩陳迹故縱橫  
遙望龍蟠

舊長吟蟻允爭紆園隨處闢  
粉堞向來傾發中窺管并看碑  
駉故堽山開蒼耳路亭愛翠微  
名遠樹淮南出滄江鳥外明  
人烟川浩蕩風物歲崢嶸  
吹帽仍佳節傳觴但老兵  
愚生離蛙黽浪走媿璜珩  
去帆檣盡蕭蘆葦鳴登高未  
成賦覽古獨含情政復哀王  
粲何堪厭祢衡敝廬滄海曲  
目斷白雲生

題高房山青山白雲圖

十年失脚走紅塵忘却山  
中有白雲忽見畫圖疑是  
夢冷花涼葉思紛



有感

橘柚青黃照眼垂  
秋風籬落自紛披  
頗聞玉食登蠻果  
不獨涪州有荔枝

題明皇春遊圖

楊柳烟深怯翠輿  
玉鞍可是要人扶  
恐將此日春風筆  
更寫青驪蜀棧圖

送張秀才歸里

青陽河畔杜鵑啼  
歸路如弦定不迷  
應到故山叢桂裡  
笑人騎

馬聽朝雞

湯書

漢室需材訪隱淪  
取繒屠狗各求伸  
安知風雪南山下  
別有當年射虎人

題懸厓蘭

媚：春風一樣吹  
托身高處亦何為  
從渠自作顛倒想  
要見懸厓撒手時

次韵荅撒都刺宣羌

蕭：兩鬢愧陳人曾向龍門看躍鱗多謝叅軍留客醉杏花猶帶曲江春

次韵虞侍講上京道中

款去仍為一日留玉堂中夜有詞頭歸鞍曉逐南飛雁猶及西湖一半秋

次韵張右司秋日燕集

翠華縹緲五雲間留鑰初嚴虎豹閒坐飲玉泉歌既醉絕勝柱笏看西山

待漏東華曉正寒北門供奉獨優閒賡歌未辨清新句空愧江南庾子山

北山紀遊

天門吹我度崢嶸春著千壘滄：青紫陌紅塵寧有此十年空負此山靈

却問仙山去幾程白雲如簇近相迎直須不脫登山屐行盡松聲與水聲

獨看飛花逐水紅不知身過亂雲東回頭旋覺峰巒別惟有青

天面：同

坐愛春泉響翠微  
玉花吹濕薜蘿衣  
何由着我冰壺洞  
卧看青天白練飛

削立城心雙白塔  
幾疑日月費撐友  
一朝頓在闌干底  
始悟從前見處低

闕下口號

適駿先猷在作人  
忝陪多士奉明綸  
端闈乍起清光近  
臚句高傳茂典新  
奎壁照臨回景運  
風雷鼓舞契昌辰  
不才何以酌天

造徒詠菁莪樂至仁

賜第後歸謁郡府丞為置宴口號

拜賜才沾雨露香  
又驚盛典出黃堂  
鳴騶合遯遷千騎  
坐席雍容累百觴  
他日同鄉修故事  
不才終古被餘光  
承宣德意逢明牧  
諸彥能無共激揚

賜廳宴集之明日鄉先生復為置酒重述口號

去年此日宴瑤林  
雨露光華映古今  
稱慶謬承賓禮重  
徵榮彌覺主恩深  
少須天詔從容至  
坐看宮花取次簪  
千載竒文寄來



哲可應外物累初心

十月十日去都城

倦客愁深素髮生分甘投劾謝塵纓老來每愧公車召歸去何  
須祖帳榮紅葉早霜催歲宴白鷗野水與雲平腐儒漫仕真無  
補深附岩居與谷畊

朝擁皋比夕短檠病餘靜息厭勞形閒情只合營三徑便腹那  
能貯五經衣侍禁幃慙啟沃欲尋耆社覺凋零欵呖傲西湖  
上時看飛雲度翠屏

送王府教授蕭九齡

三千里外雁山雲客路相逢酒一尊衣錦未須歸故里曳裾且  
復向王門淮南桂樹秋偏好京洛風塵日易昏愧我倦遊成白  
髮臨分握手欲何言

怡山

春雲牢落雁無聲沙岸參差石有稜双屐謾窮芳少徑一龕龍長  
愧白頭僧晴濤閃々翻孤日山木昏々捲翠藤後夜清風滿遙  
念夢遊空指上方燈

草意

淡烟斜照日離離，謾吐芳心欲向誰。可是忘憂能自得，若教指  
佞定無私。東風江上何人識，南國春來有夢知。但把青衫承雨  
露，未應紅紫浪相疑。

梳頭得白髮

偶逐飛雲別澗岡，解纓聊爾濯滄浪。襟懷久已無山水，容鬢誰  
令有雪霜。未必丹砂真却老，何須白首更為郎。前修未遠斯文  
在，努力無愁岐路長。

送吳良貴之京口學正

此行登覽信奇哉，可為尋常富貴催。湖上春光隨馬去，淮南山  
色過江來。壯遊未減西園樂，逸唱能容弟子陪。白社古人今送  
盡，薜蘿烟雨重徘徊。

送韶文遊京口

不到南徐三十春，好將夢寐吊遺民。也知往事隨流水，祇想重  
來是後身。棹響官河風色暮，雲離野服髮毛新。舊遊偶失扶桑  
路，煩向滄江一問津。

金陵懷古

五雲零落渺天涯  
陳迹蒼茫日易斜  
畫角已吹邊塞曲  
紅藍新長內園花  
獨怜遺老埋黃壤  
曾見春風望翠華  
好在北山猿與鶴  
依然同住舊烟霞

三月三日西湖舟中

黃塵白帽媿平生  
對客猶稱舊姓名  
此事縣知三不可  
祇今恐負四難并  
放舟乍去空濛境  
送酒元無窈窕聲  
金石蘭亭嗟已矣  
不妨時暫濯吾纓

送友歸豫章

已覺栖遲懶曳裾  
可能為我強躊躇  
一帆秋色紅塵外  
千里江關白雁初  
建業水清誰共飲  
潯陽潮斷定無書  
黃金未盡朱顏在  
莫種桃花學隱居

送王傳明之桂林教授

丞相威名震百蛮  
蕭條異代得吾賢  
宦遊忽遇三湘去  
家學應令四海傳  
北望犬牙連上國  
夜占鷓尾直中天  
炎風朔地皆王土  
未覺青春雨露偏



碧連峰下駐飛驎風土遙知久自諳  
會有新書禪禹貢坐間舊俗化周南  
深篁盡日迷山鬼毒火無時起瘴嵐  
瓊重斯文強食飯謾誇丹荔與黃甘

遣興

數盡飛花一愴然壯心迢遞石雲邊  
十年人事空流水二月風光已杜鵑  
過眼青春寧復得汚人黃土絕堪怜  
故園尚有平生約可使蒼苔到石田

寄朱十八判官

金榜淒涼四十年風流文采故依然  
香山老去誰同社粟里歸來尚有田  
懷古坐看西日落得春寧問北枝  
偏清泉白石多深趣千載心期入近篇

龍潭山

二月清江照眼明避風舟楫滿迴汀  
斷雲挾雨時時黑密葉蔽花對  
青習隱未成陶令賦行歌聊共屈原醒  
碧潭光景無消息坐看魚兒點翠萍

客中夜坐

歷：飛螢度眼明獨措高枕數殘更薄遊已斷新彈缺舊業猶  
餘未棄檠一雨逆晴初月色百虫專夜故秋声情知三十年非  
少已覺人間有後生

甲辰清明日陪諸公人西山拜胡侍郎墓回舟湖中作  
日終甲子斗直辰持觴遠埒胡侯坟兩漿趁鷗背城闈四十有  
四同舟人半為胡語如李真湖窮岸出水陸分舍舟登途指嶙  
峴少年健步黃犢奔或乃唱道驚春雲老翁繭足仍後塵解衣  
逢眠草如茵前瞻一里趨廟門杖藜不得辭徵辛嚴祠高居絕

四隣旁為一丘標石麟升階鞠躬羞藻蘋拜興有相祝有文亦  
或稽首稱諸孫歸途探幽扶荒榛下睨塵土多<sup>上</sup>虫蟲放舟催發  
無遠巡勝賞莫許窮崖恨開篷列坐羅羶葦彷彿卿飲明介饌  
誰欵解事強討論欲以窮達為卑尊美人今代王右軍吐秀  
句天葩分雁行拱立何紛：爭言我公詩絕淪龐眉被褐兩山  
民閉目宴坐万申：艤舟黑亭鴉噪昏晴暘吹洒衣中裁詩紀  
實聊云：慎勿浪傳多怒嗔

即生詩

卿為尔字即為氏金臺耀日家尺只目光不奪亦不昧非痴非  
狂竟誰使披鑿蹋雪印趾走乞贈言如乞米南踰淮江踐蛇頰  
虺肩兩囊行且止相逢羅列見未始珠璣歷落斧綉侈縱閱安  
得舒日咎胡然有求仍屢蹠譬飢索食飽不已瘡痂嗜好掌一  
抵以頭沐漆那可洗春風未許白雲起冰川猶湏卧取鯉莫待  
啼鵲還掩耳

送傅主簿

嘗聞上古之士比屋皆可封有才不必登王公可憐衛青日尊

貴飛將自老風塵中傳公平生經濟手却抱一經今白首隨人  
騎馬着青衫爽氣如虹射牛斗出門大笑望長安萬里行路難  
行路難知奈何贈公一杯酒請公聽我歌崑崙之山高魏、黃  
河之水清有時洛陽年少休大息東山謝公來未遲燕昭之士  
不足云陛下盛德如華勛願功成名遂身早退魯連小兒能笑  
人

題李坦之學道齋詩文

神仙中人世莫識政以文章為戲劇李生也復可憐人手種蟠



桃待春色山空歲寒誰念汝青楓隨影霜落日遠遊賦成一朝  
去翠蓋雲旗莫何識蓬萊烟霧秋冥、鄧公白鹿無消息袖中  
驪珠三百顆夜深勿近蛟龍宅金華之山青矗天山人看山忘  
歲年黃精芝草幸可食安得與子巢其巔石床醉聽松風眠無  
為長歌怨如哭使汝惻愴凋朱顏

讀三孔先生清江集

元祐儒臣布星斗後有作者非其偶二龍三鳳何繽紛况乃淵  
源魯中叟適從塵編識英雄想見世澤餘忠厚長公平生二三

策大廷披腹驚群后風流班仲與季茅茨采椽絕丹黝獨追  
古昔寓陽秋稍扶疵瘕到瓊玖却盤餘力歸賦詠古硬清圓無  
不有爰初人文啟河洛下逮百氏分戶牖空言可托匪末藝巨  
筆待援湏好手典刑未墜乃至今吾生已幸何云後青燈照夜  
雨如線奧論微辭煩擊剖進慕正復慙捧心贊咏胡能付鉗口  
從游起死不敢期倘挹殘膏注枯朽

題醉鄉圖

翰林主人天上来布帆不為鱸魚開江湖渺秋一色朝光暮

色相徘徊昔賢心賞餘勝處只有水竹無亭臺碑材久已沒荆  
棘履齒不復行莓苔後來視今猶視昔今我不樂胡為哉太官  
馬漣遠莫致隣翁綠蟻浮新醅欣然一飲便終夕鼻端氣息如  
雲雷是間別有一天地不知何處為蓬萊回觀方外海一粟盍  
雞塵甕瓦何喧極黃冠秘監太狂態騎鯨供奉非仙才揮毫政要  
直學士鋒車流水行相催瑤池曲宴多雨露歸欤酌彼黃金罍

杭州送兒姪歸里

空江月滿潮聲怒二男勇蹋潮頭去故園天沒渺予懷夢中識

汝歸來路起向江樓遙望汝江上青楓正霜露涼風楓：吹汝  
急櫓搖背指龍山渡翩然一葉舞中流嗟汝童心得無惧自我  
西遊歷三紀舉目交遊半新故下車相揖何紛：白頭朝士猶  
徒步去都觀裡舊桃花見我重來能幾度緬思疇昔仍念汝倚  
徙闌干日將暮前潮方斷後潮續層波複浪無重數魚龍出沒  
相後先疾雷掣山雨如注隔岸峰岫空復多沙際冥濛但烟霧  
計程知汝已登陸息肩弛担今何處明朝我過三釜山能勿徘  
徊起哀慕近聞旱魃肆為虐殺吾手植千株樹且須為我語比



隣莫遣牛羊上丘墓

送俞器之判官暨陽

苧蘿山前碧溪水花顏玉貌今誰是祇見操觚道上兒骨束枯  
柴髮垂耳周家忠厚及中木忍令赤地連千里夜飛尺一繾綣  
屏想見春風下車始憶昔君侯年少初全季母甘捐軀麻鞋上  
殿衣見時歸來束帶懸銀魚頗聞爾曹久待哺糞萬目同睚  
盱晨食秣馬趨所至擊鮮上豕無躊躇念君自是醫國手看活  
群兒如活母平生本草閱已熟野葛山榆尚何取若為箋天乞

借材盡躋東土婦仁壽鄙夫不用畎畝憂但為作歌貽不朽

八月四日大風雨中與章德懋同汎

黑風翻江白雨傾檣歌舵側斷人行此時惟有我與子孤舟蕩漾  
烟波裡烟波蒼々楊柳黃浩歌擊舷興彌張翩然一葉恣歌舞  
青山白塔頻低昂朝過城南暮城北舟人問我將誰適章子掉  
頭作吳語秋水夜來深幾尺忽省大字標竹林寺門對水仍陰  
陰敲門見竹不見人竹間翠石何蕭森回舟少休雨如注四顧  
冥濛但烟霧魚驚龍躍吾不知披蓑却入菰蒲去岸傍群兒拍



手呼笑言狂客世所無  
烏乎古人今則無  
後來視我知何如  
為君留此有聲畫  
題作扁舟烟雨圖

贈俞觀光

寒窓讀書吻正悲  
坐聞剝啄走啓扉  
衝風躡凍至者誰  
俞子訪我由剡溪  
相逢把臂語移時  
婦女驚笑群兒痴  
俗物病我不可醫  
眼明見此珊瑚枝  
朝來贈我天馬詩  
忽然掉頭去莫羈  
鼻頭氣息干虹霓  
詎能折腰向小兒  
文章技癢聊爾嬉  
策勳聖世今毋違  
繫我愛子莫助之  
臨岐躑躅徒嗟咨

